

Ralph: need to verify that this is indeed VatCer75_1930/1 then delete this line

Transcription of Joel - VatCer75_1930/1 - from THEOT Joel - Dots and Bars, draft 20 Steve Implement.docx

Joe 01:00

Joe 01:01 ቃለ እግዚአብሔር ዘኮነ ኀበ ኢዩኤል ወልደ ባቱኤል

Joe 01:02 ስምዑ ዘንተ ሊቃውንት ወእጽምዑ ኩልክሙ እለ ትነብሩ ውስተ ምድር ለእመ ከዊነ ኮነ ከመዝበ መዋዕሊክሙ ወበመዋዕለ አበዊክሙ

Joe 01:03 ከመ ትንግሩ ለደቂቅክሙ ወደቂቅክሙ ለደቂቆሙ ወደቂቆሙ ለካልዕ ትውልድ

Joe 01:04 ዘኢትረፊ ዕፄ በልን እንበጣ ወዘኢትረፊ እንበጣ በልን ደኅብያ ወዘኢትረፊ ደኅብያ በልን እናኹዕ

Joe 01:05 ነስሑ እለ ትሰትዩ ወይነ ብከዩ ወላህዉ ኩልክሙ እለ ትሰትይዎ ለወይን ለስኪር እስመ ተሥዕረ ፍሥሐ ወኃኚት እምእፉክሙ

Joe 01:06 እስመ ዓርጉ እሕዛብ ጽኑዓን ውስተ ምድርክሙ ዘእልቦሙ ኀልቶኣ ስነኒሆሙ ስነነ እናብስት ወኩርናንቲሆሙ ዘዕጓለ እናብስት

Joe 01:07 ረሰይዎ ምድረ ለወይንዩ ወሰበሩ በለስዩ ወኃሠሠ ወፈተኑ ወገደፉ በዘእዓዕደወት ምድር እዕፁቂሃ

Joe 01:08 ትብኪ መርዓት ወትቀንተ ሠቀ በእንተ ምታ ዘድንግልናሃ

Joe 01:09 ትሥዕረ መሥዋዕት ወሞፃሕት እምቤተ እግዚአብሔር ላህዉ ወቅንቱ ሠቀ ካህናት ብከዩ ውስተ አቅርንተ ምሥዋዕ እለ ትሠውዑ መሥዋዕተ

Joe 01:10 እስመ ኃሥረ ገራውህ ወትላሁ ምድር እስመ ኃሥረ እክል ወዩብሰ ወይን ወጠፍዓ ዘይት

Joe 01:11 ወተኃፍሩ ኃረስት ወበከዩ ዓቀብተ ወይን በእንተ ወይን ወስርናይ ወሰገም እስመ ጠፍዓ ማዕረር እምገራውህ

Joe 01:12 ወዩብሰ ወይን ወኃልቀ በለስ ወሮማን ወተመር ወኮል ወኩሉ አቅማኃ ገዳም ዩብሰ ወተኃፍረ ፍሥሐሆሙ ለደቂቀ እጓለ እመሕያው

Joe 01:13 ላህዉ ወቅንቱ ሠቀ ካህናት ወብከዩ እለ ትሠውዑ ለእግዚአብሔር እስመ ኃልቀ መሥዋዕት ወሞፃሕት እምቤተ እግዚአብሔር

Joe 01:14 ኀረዩ ጾመ ወሱብኩ ምሕላ አስተጋብኡ ሊቃውንተ ወኩሉ ዘይነብር ውስተ ቤተ እምላክነ ወጸርሑ ኀበ እግዚአብሔር ኀቡረ

Joe 01:15 አሌ ለክሙ ይአተ ዕለተ እስመ አልጸቀት ዕለተ እግዚአብሔር ወከመዝ እምነ መቅሠፍት ውስተ መቅሠፍት

Joe 01:16 በቅድመ ለዕይንቲክሙ ይወጽእ ወይጠፍዕ እክል እምቤተ እምላክክሙ ፍሥሐ ወኃኚት

Joe 01:17 በውስተ ኀዝእቶሙ ዕጐልት ወኃልቁ መዛግብት ወተነሥቱ ምክያዳት እስመ ዩብሰ እክል

Joe 01:18 ምንተ ይፈሲ ለነ ብከዩ ዓቃብያነ ላህም እስመ ኃልቀ መርዔቶሙ ወጠፍዓ መራዕዩ አባግዕ

Joe 01:19 ኀቤክ እጸርሕ እግዚኦ እስመ እሳት አኀለቀ ስነ ገዳም ወነበልባል አውንዩ ዕፅወ ወእዕዋመ

Joe 01:20 ወአንቃዕደው ኀቤክ እንስሳ ሐቅል ወኃልቁ ወዩብሱ እንቅዕተ ማያት ወበልዓት እሳት ስነ ገዳም

Joe 02:00

Joe 02:01 ንፍሑ ቀርነ በጽዮን ወሱብኩ በደብረ መቅደስዩ ወይደነግፁ ኩሎሙ እለ ይነብሩ ውስተ ምድር እስመ አልጸቀት

Joe 02:02 ዕለተ እግዚአብሔር ወበጽሑት ዕለተ ጽልመት ወአውሎ ዕለተ ደመና ወጊሜ ከመ ጎሕ ይዘረው ሕዝብዩ ብዙኀ ዐመዓት ጽኑዕ ዘኢኮነ ከማሁ እምፍጥረተ ዓለም ወኢይደግም እንከ እምድኅሬሁ እስከ ዓመተ ትውልደ ትውልድ

Joe 02:03 በፍጽምኒ እሳት ይበልዕ ወበከዋላሂ ያውዒ ነበልባል ከመ ገነተ ኤዶም ምድር ቀዳሚሃ ወትገብእ ድኅሬሃ ከመ በድወ ሐሩር ወእልቦ ዘያመስጥ እምኒሆሙ

Joe 02:04 በክመ ገጸ ፈረስ ገጽሙ ወረዋጽያኝ ከመ አፍራስ

Joe 02:05 ወድምዖሙ ከመ ድምፀ ሠረገላ ዘይሜርድ ውስተ እድባር ወከመ ድምፀ ነበልባለ እሳት እንተ ትበልዕ ብርዓ ወከመ ሠራዊት ብዙኃን ወዕኑዓን እለ ይትቃተሉ ውስተ መራድ

Joe 02:06 ወይትቀጠቀጡ እሕዛብ እምቅድመ ገጾሙ ወይከውን ገጸ ኩሎሙ ከመ ጸለሎ መቅጹት

Joe 02:07 ወደረውፁ ከመ መስተቃትላን ወከመ ዕደው ተባዕያኝ ዩዓርጉ ዓረፍተ ወኩሎሙ እንከ ዩሐውሩ ፍኖቶሙ ወኢይትገኃሠ እቧምፍኖቶሙ

Joe 02:08 ወኢይትረኃቁ ፩ተ እምካልዑ ዕውራኒሆሙ ንዋዩ ሐቅሎሙ ይረውፁ ወያሐልቁ በሐዖሙ

Joe 02:09 ወያስተጋብዑ አሁጉረ ወደረውፁ ዲበ አረፍት ወይበውዑ እንተ መሳክው ከመ ሠረቅት

Joe 02:10 ወትደነግዕ ምድር እምቅድመ ገጾሙ ወያድለቀልቅ ሰማይ ወይጸልም ፀሐይ ወወርህ ወደጠፍዕ ብርሃኖሙ ለከዋኩበት

Joe 02:11 ወይሁብ እግዚአብሔር ቃሎ እምቅድመ ገጸ ኃይሉ እስመ ብዙኀ ፈድፋደ ትዕይንቱ ወጽኑዕ ምግባረ ቃሉ እስመ ዓባይ ዕለተ እግዚአብሔር ወግርምት ወታስተርኢ ፈድፋደ ወምንት መጠና መኑ ዘይክላ

Joe 02:12 ይእዚኒ እግዚአብሔር እምላክነ ይቤ ተመዩጡ ኀቤዩ በኩሉ ልብክሙ በጾም ወበላህ ወቡባከይ

Joe 02:13 ወሥጥጡ ልበክሙ ወእኮ አልባሲክሙ ወተመዩጡ ኀበ እግዚአብሔር እምላክክሙ እስመ መሐሪ ወመስተሣህል ውእቱ ርኑቀ መንት ውብዙኃ ምሕረት ወጻድቅ ወይኔስሕ በእንተ እኪት

Joe 02:14 መኑ ያእምር አመ ይትመዩጥ ወይኔስሕ ወያተርፍ ድኅሬሁ በረከተ ወመሥዋዕተ ወሞጻሕተ ለእግዚአብሔር እምላክነ

Joe 02:15 ንፍሑ ቀርነ በጽዮን ቀድሱ ጾመ ወሱብኩ ምህላለ አስተጋብዑ እሕዛበ ወሐድሱ ማኀበረክሙ

Joe 02:16 ኀርዩ ሊቃውንተ ወእስተጋብዑ ሕፃናተ እለ ይጡብው ጥበ ይፃዕ መርዓዊ እምጽርሑ ወመርዓት እመንጦላዕቃ

Joe 02:17 ወዶብከዩ ካህናት እለ ይሠውዑ ለእግዚአብሔር በማዕከለ አቅርንተ ምሥዋዕ ወዶብሉ መሐክ እግዚኦ ሕዝበ ዚእከ ወኢታኅስር ርስተክ ከመ ኢይንጽሕዎሙ እሕዛብ ወከመ ኢይብሉ እይቱ ውእቱ እምላኩሙ

Joe 02:18 ወቀንዓ እግዚአብሔር ለምድሩ ወመሀከሙ ለሕዝቡ

Joe 02:19 ወተሠጥዎሙ እግዚአብሔር ወይቤሎሙ ለሕዝቡ ናሁ እነ እፌኑ ለክሙ እክለ ወወይነ ወቅብዓ ወዘይተ ወትፀግቡ ወኢይፊሪዩክሙ ዕዕለተ ለእሕዛብ

Joe 02:20 ወእሰድዶሙ እምኔክሙ ለእለ መንገለ ሰሜን ወአወስዶሙ ውስተ ምድረ በድው መንገለ ብሔረ ፋርብ ወእጠፍዖሙ ውስተ ቀዳሚት ባሕር ወውስተ ደኃረት ባሕር ወዩዓርግ ፄዓቱ ወንስሐቱ እስመ አዕባዩ ምግባሮ

Joe 02:21 ተእመኔ ምድር ተፈሥሖ ወተሐሠዩ እስመ አዕባዩ እግዚአብሔር ኀህሎ ከመ ይግበር ላዕሊኪ

Joe 02:22 ተእመኑ እንስሳ ገዳም እስመ ብዕሉ እኅቃላተ በድው ወፈርዩ ዕፅወ ፍሬሆሙ ወይን ወበለስ ወሀቡ ኃይሎሙ

Joe 02:23 ተፈሥሖ ወተኃሠዩ በእግዚአብሔር እምላክክሙ ደቂቀ ጽዮን እስመ ወሀበክሙ ሲሳዩ ጽድቅ ወያዘንም ለክሙ ፀዳዩ ወመጸወ ከመ ትካት

Joe 02:24 ይመልዕ ዓውደ እክል ወይትከዓው ምክያዳተ ወይን ወዘይት

Joe 02:25 ወእፈድዩክሙ ህዩንተ ዓመት ዘበልዓ እንበጣ ወደኅብያ ወዕፄ ወእናኹዕ ኃይልዩ ዘፈኖኩ ላዕሊክሙ

Joe 02:26 ተቤሰዩ ውበልዑ ወዕግቡ ወሱብሑ ስመ እግዚአብሔር እምላክነ እስመ ገብረ ለነ መንክረ ወኢትትኃሩ እንከ ሕዝብዩ ለዓለም

Joe 02:27 ወተእምሩ ከመ ሀሎኩ እነ ማዕከሊክሙ ወእነ እግዚአብሔር እምላክክሙ ወእልቦ ባዕድ እምላክ ዘእንበሊዩ ወኢይትኃፈሩ እንከ ኩሉ ሕዝብዩ ለዓለም

Joe 02:28 ወእምድኅረ ዝንቱ እከዑ እምነ መንፈስዩ ላዕለ ኩሉ ዘሥጋ ወይትኔበዩ ደቂቅክሙ ወእዋልዲክሙ ወሊቃውንቲክሙ ሕልመ ዩሐልሙ ወወራዙቲክሙ ራዕዩ ይሬእዩ

Joe 02:29 ወላዕለ አግብርትዩ ወአዕማትዩ ይአተ አሚረ እክዑ እምነ መንፈስዩ

Joe 02:30 ወእጉብር ተእምረ በሰማይ በላዕሉ ወበምድር በታሕቱ ደመ ወእሳተ ወተነ ጢስ

Joe 02:31 ፀሐይኔ ይጸልም ወወርህኔ ደመ ይከውን ዘእንበለ ትብጻሕ ዕለተ እግዚአብሔር ዓባይ እንተ ታስተርኢ

Joe 02:32 ወኩሉ ዘጸውዓ ስመ እግዚአብሔር ይድኅን እስመ በደብረ ጽዮን ወበኢዩሩሳሌም ይድኅኑ በከመ ይቤ እግዚአብሔር ወእለሂ ይሚህሩ እለ ጸውዖሙ እግዚአብሔር

Joe 03:00

Joe 03:01 እስመ ይአተ አሚረ እነ በእማንቱ መዋዕል እመይጥ ፂዋ ይሁዳ ወኢዩሩሳሌም

Joe 03:02 ወእስተጋብዖሙ ለኩሎሙ እሕዛብ ወእወርዶሙ ቈላተ ዮሳፍጥ ወእትዋቀሦሥሙ በህዩ በእንተ ሕዝብዩ ወበእንተ ርስትዩ እስራኤል በኀበ ተዘርዉ በውስተ እሕዛብ ወተካፈሉ ምድሮሙ

Joe 03:03 ወተዓፀዉ ዲበ ሕዝብዩ ወወሀቡ ደቂቆሙ ለዘማት ባሴጥ ወእዋልዲሆሙ ለወይን ወሰትዩ

Joe 03:04 ምንት ብዩ ምስሊክን ጢሮስ ወሲዶና ወኩሉ ገሊላ ዘኢሎፍሊ በቀለ እትቤቀለክሙ ወቂመ እትቀዩምክሙ ፍጡነ ወበጉጉዓ እፈድዩክሙ ፍዳክሙ ዲበ ርእስክሙ

Joe 03:05 ናሁ ነሣእናከሙ ወርቅዩ ውብሩርዩ ወእሥራትዩ መሠንዮ አባእክሙ ቤተክሙ

Joe 03:06 ወኚጥክምዎሙ ለደቂቀ ይሁዳ ወለደቂቀ ኢዩሩሳሌም ኀበ ደቂቀ አረሚ ከመ ታጥፍዕዎሙ እምብሔሮሙ

Joe 03:07 ናሁ እነ እነሥኦሙ እምውእቱ ብሔር ኀበ ኀፂጥክምዎሙ ህዩ ወእፈድዩክሙ ፍዳክሙ ዲበ ርእስክሙ

Joe 03:08 ወእትቤቀሎሙ ለደቂቅክሙ ወለእዋልዲክሙ በእደሆሙ ለደቂቀ ይሁዳ ወእትቤቀለክሙ በኀበ ፄወውክምዎሙ በውስተ እሕዛብ ርኑቃን ወነዋኃን እስመ እግዚአብሔር ነበበ እንዘ ይብል

Joe 03:09 ቡብኩ ዘንተ ውስተ እሕዛብ አሥሩ ፀብዓ ወእንሥኤ መስተቃትላነ ወእውጽእዎሙ ወይዕርጉ ኩሎሙ ዕደወ መስተቃትላን

Joe 03:10 ወማኅረስክሙኔ አግብሩ ኩያንወ ወማዕፀድክሙኔ አግብሩ ረምሐ ድኩምኔ ለይበል ጽኑዕ እነ

Joe 03:11 ወይትጋብኤ ኩሉ እሕዛብ ወዶሑሩ ወይዕግቱ ወይትጋብኤ ህዩ ዩዋሃን ይኩኑ መስተባዕሳን

Joe 03:12 ወይትነ/ሥኡ ኩሉ አሕዛብ ወይዕርጉ ቈላተ ዮሳፍፕ እስመ በህየ እነብር ወእትዋቀሶሙ ለኩሎሙ አሕዛብ ወእለ አድያም

Joe 03:13 ፈንዉ ማዕፀደ እስመ በጽሑ ማዕረር ባፁ ኪዳ እስመ መልኅ ምክያድ ወተክፊዉ እምነ ምክያዳት ናሁ በዝሐ እከዮሙ

Joe 03:14 ወወውፁ በቈላተ ቅስት ወድመዱ እስመ አልፀቀት ዕለተ እግዚአብሔር በውስተ ቈላተ ቅስት

Joe 03:15 ፀሐይ ወወርሀ ይጻልሙ ወለከዋኩብትኒ ዮግርብ ብርሃኖሙ

Joe 03:16 ወይኬልህ እግዚአብሔር እምጽዮን ወእምኢየሩሳሌም ይሁብ ቃሎ ወያድለቀልቄ ሰማይ ወምድር ወእግዚአብሔር ይምሕክ ሕዝቦ ወያጽንዖሙ እግዚአብሔር ለደቂቀ እስራኤል

Joe 03:17 ወተአምሩ እንከ ከመ እነ ውእቱ እግዚአብሔር እምላክክሙ ዘኢኃድር ውስተ ጽዮን ደብረ መቅደስየ ትከውን ኢየሩሳሌም ሀገረ ቅድስተ ወኢየኃልፉ እንከ እንተ ውስቲታ ዘእምካልዕ ሕዝብ

Joe 03:18 ወይከውን ይእተ እሚረ ያንጸፊጽፍ መግር እምእድባር ወይውንዝ ህሊብ እምእውግር ወይነቅዕ ማይ እምኩሉ በሐውርተ ይሁዳ ወይራለፍል ነቅዕ እምቤተ እግዚአብሔር ወይሠቂ ፈለገ ሰኪኖን

Joe 03:19 ወይማስን ብሔረ ዝብፅ ወይከውን በድወ ወኤዶምያስ ይጠፍፁ በኃጢአቶሙ በእዲሆሙ ለደቂቀ ይሁዳ እስመ ከዓዉ ደመ ጻድቅ ውስተ ምድርሙ

Joe 03:20 ወይሁዳስ ለዓለም ትነብር ወኢየሩሳሌምኒ ለትውልደ ትውልድ

Joe 03:21 ወእትቤቀል ደሞሙ ወኢያነጽሑሙ እስመ እነ እግዚአብሔር ዘኢኃድር ውስተ ጽዮን